



Finansira
Evropska unija

U partnerstvu sa:



**OPĆINA CENTAR SARAJEVO U PARTNERSTVU SA RAZVOJNIM PROGRAMOM UJEDINJENIH NACIJA
RASPISUJE:
JAVNI POZIV ORGANIZACIJAMA CIVILNOG DRUŠTV A/NEVLADINIM ORGANIZACIJAMA
ZA PREDAJU PRIJEDLOGA PROJEKATA
U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU 2
(ReLOaD2)**

ReLOaD2 je regionalni projekat kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Republika Sjeverna Makedonija, Bosna i Hercegovina, Crna Gora, Kosovo*¹ i Srbija.

Općina Centar Sarajevo i projekat ReLOaD2 pozivaju sve organizacije civilnog društva (OCD) iz Bosne i Hercegovine da dostave prijedloge projekata koji su u skladu sa razvojnim ciljevima ove jedinice lokalne samouprave (JLS) koji su navedeni u dokumentu Strategija razvoja Općine Centar Sarajevo za period 2021-2027. godina.

Tematske oblasti i prioriteti (stavka 1., 2., 3. i 4.) su potvrđeni kroz konsultacije sa građanima i predstavnicima organizacija civilnog društva u sklopu javne rasprave organizovane 15. decembra 2023. godine.

Tematske oblasti i prioriteti za mlade (stavka 5.) su dodatno potvrđeni kroz konsultacije sa mladima u okviru održanih sastanaka u sklopu Dijaloga za mlade na području Općine Centar Sarajevo kroz aktivnosti koje provodi ReLOaD projekat. Dijalog za mlade Općine Centar Sarajevo je platforma koja je korištena za komunikaciju i konsultacije sa mladima u periodu juli 2022. – oktobar 2023. godine. Ukupno su organizovana četiri tematska sastanka na kojima je učestvovalo 147 mladih osoba (55M, 92Ž), aktivisti, volonteri, predstavnici organizacija civilnog društva sa područja Općine Centar Sarajevo.

Prioritizirane su sljedeće tematske oblasti u okviru javnog poziva:

1. NEFORMALNO OBRAZOVANJE

- 1.1 Podrška projektima poboljšanja inkluzivnog predškolskog obrazovanja djece sa teškoćama u razvoju i važnost rane intervencije;
- 1.2 Informisanje/educiranje roditelja djece romske nacionalnosti o obavezi i potrebi uključivanja djece u predškolski/školski odgoj i obrazovanje;

2. KULTURA

- 2.1 Promocija kulture, kreativnog i umjetničkog stvaralaštva na području općine Centar Sarajevo;
- 2.2 Međugeneracijska saradnja kroz raznolikost kulturnog sadržaja;
- 2.3 Projekti koji afirmišu i promovišu modernu umjetnost;

3. ZAŠTITA OKOLIŠA

- 3.1 Zaštita životne okoline i podizanje ekološke svijesti kroz ekološku edukaciju i aktivizam;
- 3.2 Uključivanje djece i mladih u aktivnosti zaštite okoliša i sadnje gradskog zelenila;
- 3.3 Podizanje svijesti o zaštiti životinja;

4. SPORT

- 4.1 Projekti koji afirmišu rekreativni, amaterski sport i nove sportske discipline;
- 4.2 Implementacija sportskih tehnika u rehabilitaciji osoba (djece i odraslih) sa invaliditetom i psihosocijalnim smetnjama;

¹ * Za Evropsku uniju, ovo imenovanje ne dovodi u pitanje stav o statusu i u skladu je sa UNSCR 1244/1999 i Mišljenjem ICI-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

- 4.3 Projekti koji doprinose uključivanju svih kategorija stanovništva u sportsko-društvenu sferu života, s ciljem jačanja sportskog duha kao značajnog aspekta u razvoju zdravog načina života;
- 4.4 Projekti koji afirmišu zaboravljene igre djetinjstva;

5. MLADI

- 5.1 Projekti koji podižu svijest o prednostima i nedostacima društvenih mreža kao i njihov uticaj na mlade i prevencija cyber nasilja među mladima i djecom;
- 5.2 Projekti koji educiraju stanovništvo o prevenciji bolesti ovisnosti, igrama na sreću (kladionice) i slično;
- 5.3 Podrška projektima koji doprinose unapređenju položaja mladih – kroz organizovanje obuka/treninga/radionica u cilju promocije volonterizma, društveno korisnog rada, timskog rada, značaja socijalne i ekonomske inkluzije;
- 5.4 Projekti koji educiraju mlade o sigurnost prometa i prevenciji prometnih nezgoda;
- 5.5 Projekti koji doprinose podršci djeci i mladima u riziku od neželjenog ponašanja, kao i unapređenje mentalnog zdravlja djece i mladih;
- 5.6 Podrška projektima koji doprinose razvoju vještina i ekonomskom osnaživanju mladih;
- 5.7 Projekti koji doprinose poticanju kulturnog i kreativnog stvaralaštva djece i mladih sa invaliditetom;
- 5.8 Projekti koji doprinose poticanju kulturnog i kreativnog stvaralaštva mladih;
- 5.9 Projekti koji doprinose povećanju tehnološke i informatičke pismenosti mladih.

Tematske oblasti se odnose na posebnu korisničku kategoriju koju čine **mlade osobe od 15 do navršenih 30 godina². Načini i metode animiranja i masovnog uključivanja mladih u projektne aktivnosti trebaju biti detaljno pojašnjeni a broj korisnika projekta (ciljna grupa) naveden što je preciznije moguće. Projektni prijedlozi u okviru ovog javnog poziva treba da osiguraju uključivanje mladih osoba u sve predložene projektne aktivnosti i da obezbijede volonterski angažman mladih u lokalnoj zajednici.*

Iznosi sredstava za odobrene projekte će biti od 10.000,00 KM do 50.000,00 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu biti dodijeljena za implementaciju projekata jednoj organizaciji civilnog društva tokom ukupnog trajanja ReLoaD2 projekta 120.000,00 KM.

Općina Centar Sarajevo i UNDP zadržavaju pravo da ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Dužina trajanja svakog projekta može biti od šest (6) do osam (8) mjeseci. Izabrani projekti se trebaju realizovati u periodu april 2024. – novembar 2024. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru javnog poziva.

PREUZIMANJE DOKUMENTACIJE:

Sve potrebne informacije i elektronska verzija cijelog paketa prijavnice dokumentacije može se naći na web stranici: www.undp.org/bosnia-herzegovina, kao i na web stranici općine: www.centar.ba.

Dokumentacija za prijavu na javni poziv za Centar Sarajevo također se može preuzeti **od 01. februara 2024. godine do 29. februara 2024. godine**, sa zvanične web stranice Općine Centar Sarajevo (www.centar.ba) ili lično preuzimanjem u USB-a sa svim aplikacionim formama tokom informativnog sastanka „Otvoreni dan“ koji se održava 05. februara 2024.

INFORMATIVNE SESIJE:

- Informativni sastanak sa zainteresovanim organizacijama „Otvoreni dan“ će biti održan **05. februara 2024. godine od 12,00 do 13,00 sati u prostorijama Općine Centar Sarajevo, sala 205/II sprat (Mis Irbina 1)**. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.

² Zakon o mladima Federacije Bosne i Hercegovine, Član 4. Stav 1. "omladina" ili "mladi" su osobe u životnoj dobi od navršenih 15 do navršenih 30 godina starosti;

- Predstavnicima OCD će biti pružena dodatna pomoć konsultanta – mentora. **Planirano je da se održi ukupno šest (6) mentorskih sastanaka tokom trajanja javnog poziva. Prvi sastanak sa mentorom će biti organizovan 07. februara 2024. godine od 11,00 sati u prostorijama Općine Centar Sarajevo, sala 205/II sprat (Mis Irbina 1).** Dodatni sastanci koje organizuje mentor sa OCD će se također održavati javno, a raspored će, uključujući datum i vrijeme, biti blagovremeno objavljen putem općinske web stranice. **Od predstavnika OCD se očekuje da na mentorske sastanke dolaze sa pripremljenim nacrtima obaveznih dokumenata po javnom pozivu.** U svrhu transparentnosti zapisnici sa održanih sastanaka sa mentorom će biti objavljeni na stranici Općine Centar Sarajevo. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.
- Pitanja u vezi sa javnim pozivom se mogu postaviti putem e-mail adrese registry.ba@undp.org sa naznakom za ReLOaD2 projekat. Pitanja se mogu postavljati do **26. februara 2024. godine.** Odgovori na upite će biti dostavljeni u pisanoj formi unutar tri radna dana od primanja upita.

PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) se mora dostaviti **u jednoj elektronskoj kopiji (USB) na kojem je set obavezne i dodatne dokumentacije, plus po jedan primjerak dokumenata koje je potrebno dostaviti u štampanom obliku.** Svi materijali se dostavljaju u zatvorenoj koverti ili paketu preporučenom poštom ili lično tokom radnih dana (ponedjeljak – petak), u periodu od 8 do 15 sati na sljedeću adresu, sa naznakom za ReLOaD2 projekat:

Općina Centar Sarajevo
Mis Irbina 1
71000 Sarajevo, Bosna i Hercegovina

Rok za predaju aplikacija je **29. februar 2024. godine, do 15,00 sati.** Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**. O primljenoj pošiljci u općinskoj upravi će se voditi uredna evidencija i izdavati potvrde o prijemu.

Rezultati javnog poziva će isključivo biti objavljeni na web stranici UNDP BIH www.undp.org/bosnia-herzegovina, te na web stranici općine www.centar.ba kao i na oglasnoj ploči u zgradi općinske uprave, u roku od 45 radnih dana od zatvaranja javnog poziva (izuzev u slučaju nepredviđenih okolnosti). Pismenim putem obavijestiti će se samo organizacije civilnog društva čiji su prijedlozi projekata odabrani za finansiranje.